

漢魏六朝百三家集

漢魏六朝
百三家集

江苏工业学院图书馆
藏书章

漢魏六朝百名家集敘

文集之名始于阮孝緒七

錄後代因之遂列史志馬

貴與經籍考詳載集名人

物爵里著作源流備具左

方覽者開卷大意已顯然
李唐以上放軼多矣周惟
屈原宋玉漢惟枚乘董仲
舒劉向揚雄蔡邕魏惟曹
植陳琳王粲阮籍嵇康晉

惟張華陸機陸雲劉琨陶
潛宋惟鮑照謝惠連齊惟
謝朓孔珪梁惟沈約吳均
江淹何遜周惟庾信陳惟
陰鏗千餘年間文士輩出

彬彬極盛而卷帙所存不
滿三十餘家藏書五厄古
今同慨晉摯仲洽總鈔羣
集分爲流別梁昭明特標
選目舉世稱工澄汰之餘

遺亡彌衆至逸書編于豫
章古文鈔自會稽巨源寶
經龕之帙容齋發故簾之
藏趙宋諸賢戮力稽古不
能追續墜簡鋪揚詞苑亦

惟委之時運抱痛河海而
已余少嗜秦漢文字苦不
能解旣畧上口遍求義類
斷自唐前目成掌錄編次
爲集可得百四五十種近

見閩刻七十二家更服其
搜揚苦心有功作者兩京
風雅光並日月一字獲留
壽且億萬魏雖改元承流
未遠晉尚清微宋矜新巧

南齊雅麗擅長蕭梁英華
邁俗總言其槩椎輪大路
不廢雕幾月露風雲無傷
氣骨江左名流得與漢朝
大手同立天地者未有不


先質後文吐華含實者也
人但厭陳季之浮薄而毀
顏謝惡周隋之駢衍而罪
徐庾此數家者斯文具在
豈肯爲後人受過哉余自

賈長沙以下迄隋薛河東
隨手次第先授剗劒凡百
三家卷帙重大餘謀踵行
古人詩文不容加點隨俗
爲之聊便流涉無當有亡

評騭之言懼累前人何敢
復贅每集敘首本末微見
送疑取難與代筵叩爾別
集之外諸家著書非文體
者概不編入其他斷篇逸

句雖少亦貴期于畢收但
家無乘書妄譚遠古滕囊
漏挂甯免訕笑倘世有蓄
文德之別部大思光之玉
海者則願負擔以從矣

婁東張溥題



重刊漢魏六朝百三家集序

明張天如編百三家集自漢魏
及六朝作者掇拾殆徧其採之
類書得之金石零章斷句備錄
於篇尤見好古誠摯第榛楛勿
翦疏舛遂多覽者不無微議余

獨愛其人文世系條分縷析俾
歷代遺篇一一得其梗概有裨
後學厥功甚偉惜板片無存流
傳漸寡不揣窳陋鳩工重梓更
為考證補苴凡數百事有刪其
偽者如張平子集之天象賦王